



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2020:004816

Datë: 28.09.2023

Numri i dokumentit: 04727804

**P.nr.94/20**

**NË EMËR TË POPULLIT**

**GJYKATA THEMELORE NE PRISHTIË – DEGA FUSHË KOSOVË** - Departamenti i Përgjithshëm Penal, sipas Gjyqtares Laura Hoti Statovci, me pjesëmarrjen e bashkëpunëtorit profesional Albrim Kastrati, në lëndën penale të akuzuarit L.Xh. nga F.K., i akuzuar për veprën penale Lëndim i lehtë trupor neni 185 par 1 nën par 1.4 të KPRK-së, duke vendosur sipas aktakuzës së Prokurorisë Themelore në Prishtinë – Departamenti i Përgjithshëm PP/II.nr.5630/19 të datës 15.01.2020, në seancën e shqyrtimit fillestar të mbajtur me datë 18.09.2023, në praninë e Prokurorit të Shtetit Nazmi Krasniqi, të akuzuarit L.Xh., me datë 19.09.2023 mori dhe publikisht shpalli ndërsa me datë 28.09.2023 përpiloi këtë:

**A K T G J Y K I M**

**I akuzuari:**

L.Xh., nga babai N. dhe nëna A., mbiemri i vajzërisë D., i lindur më datë ... në Gj., me vendbanim në F.K., rruga “E.M.”, me numër personal ..., të dhëna këto të vërtetuara nga dokumenti i letërnjoftimit të lëshuar nga MPB, i pamartuar, shkollimi fillor, i gjendjes së dobët ekonomike, Shqiptar, Shtetas i Republikës së Kosovës.

**ËSHTË FAJTOR**

**Sepse:**

Me datën 27.09.2019 rreth orës 00:36, në fshatin M. të Komunës së O., për shkak të mosmarrëveshjes në mes të pandehurit L.Xh. me të dëmtuarin I.K., në lidhje me regjistrimin e produkteve në vendin e punës ku kanë qenë duke punuar në Restorantin në fshatin Sh., i pandehuri me qëllim për ti shkaktuar lëndime trupore të dëmtuarit e godet me grusht me ç ‘rast i shkakton lëndim trupor kontuzion syrit e djathtë dhe në buzën e sipërme të gojës të shkaktuara nga mjeti i fortë mbretës që për nga natyra e tyre, bëjnë pjesë në dëmtime të lehta trupore, me pasoja të përkohshme për shëndetin.

- *Me këtë ka kryer veprën penale Lëndim i lehtë trupor neni 185 par 1 nën par 1.4 të KPRK-së.*

Andaj, gjykata në bazë të nenit të lartcekur dhe neneve 4, 7, 8, 9, 10, 17 par 1, 21, 38, 39 par 1 pika 1.2, 46 par 1 pika 1.1, 47, 48, 49, 69, 70, 71 par 1 pika 1.3, 72 dhe nenit 185 par 1 pika 1.4 të KPRK-së dhe neneve 358, 359, 360 dhe 364 të KPPRK-së, të pandehurit i shqipton,

## DËNIM ME KUSHT

- I. Ashtu që i përcakton dënim me burgim në kohëzgjatje prej tre (3) muaj, të cilin dënim i pandehuri nuk do ta mbaj nëse në afat prej një (1) viti, nuk kryen vepër te re penale.
- II. Obligohet i pandehuri që në emër të shpenzimeve të procedurës gjyqësore të paguaj shumën prej 20 € (njëzet) në emër të paushallit gjyqësor, si dhe shumën prej 20 € (njëzet) euro në emër të kompensimit të viktimave të krimit, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënimin e përmbartimit të dhunshëm.
- III. Pala e dëmtuar I.K., nga Komuna e O., për realizimin e kërkesës pasurore-juridike, udhëzohet në procedurë civile.

### A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP/II.nr.5630/19 të datës 15.01.2020, ndaj të akuzuarit L.Xh. për shkak të dyshimit të bazuar mire se ka kryer veprën penale Lëndim i lehtë trupor neni 185 par 1 nën par 1.4 të Kodit Penal të Republikës së Kosovës (KPRK-së, 06/L-074).

Gjykata, në këtë çështje penale juridike ka mbajtur seancën e shqyrtimit fillestar me datë 18.09.2023, në prani të Prokurorit të Shtetit, Nazmi Krasniqi, të akuzuarit L.Xh., ku i akuzuari pas leximit të aktakuzës nga Prokurori i Shtetit, e ka pranuar fajësinë për veprën penale Lëndim i lehtë trupor neni 185 par 1 nën par 1.4 të KPRK-së, i ka premtuar Gjykatës që kurrë në të ardhmen nuk do ta përsërisë veprën e tillë.

Pas deklaramit të pandehurit dhe mendimit të prokurorit se nuk e kundërshton pranimin e fajësisë, Gjykata konstatoj se i pandehuri pranon fajësinë në mënyrë vullnetare dhe pa asnjë presion, i pandehuri është i vetëdijshëm për pasojat dhe benifitet e pranimit të fajësisë, si dhe te gjitha kërkesat nga neni 242 par. 2 të KPPRK-se janë përmbushur. Ashtu që gjykata aprovoj deklaramin për pranimin e fajësisë nga ana e të pandehurit.

Duke pas parasysh se gjykata ka aprovuar pranimin e fajësisë nga ana e të akuzuarit dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 242 par. 6 lidhur me par. 2 të KPPRK-së, atëherë në këtë çështje penale nuk është zbatuar procedura e provave, por gjykata pas deklaramit të akuzuarit se e pranon fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara si: Raporti fillestar i incidentit me numër 2019- AJ-0247, i datës 27.09.2019, raporti i policit A.C. #..., i datës 27.09.2019, procesverbali i marrjes në pyetje i të dyshuarit L.Xh. dhënë në Stacionin Policor në O., i datës 27.09.2019, procesverbali i marrjes në pyetje i të dëmtuarit I.K. dhënë në Stacionin Policor në O., i datës 27.09.2019, raporti i ekspertimit të ekspertit mjeko-ligjor Dr. Naim Haliti, i datës 09.01.2020 si foto dhe provat tjera që gjenden të bashkangjitura në lëndë, e po ashtu me pranimin e fajësisë nga ana e të akuzuarit është vërtetuar gjendja faktike si në dispozitiv të këtij aktgjykimi.

Nga gjendja e vërtetuar faktike si është përshkruar në dispozitiv të aktakuzës, rrjedh se në veprimet e të akuzuarit L.Xh. qëndrojnë të gjitha elementet e veprës penale *Lëndim i lehtë trupor nga neni 185 par 1 nën par 1.4* të Kodit Penal të Republikës së Kosovës (KPRK-së, 06/L-074).

Sa i përket fajësisë gjykata ka gjetur se i akuzuari e ka kryer veprën me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të akuzuarit, kështu që i njëjti është penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese në kuptim të nenit 70 të KPRK-së. Kështu si rrethana lehtësuese për të akuzuarin, gjykata ka vlerësuar pranimin e fajësisë. Gjithashtu i akuzuari ka treguar sjellje korrekte gjatë shqyrtimit gjyqësor si dhe duke u ndier i përgjegjshëm për veprimet e tij dhe duke shpreh keqardhje për veprën që e ka kryer dhe kërkim faljen e tij. Të gjitha këto rrethana kjo gjykatë i ka pranuar si rrethana lehtësuese në dobi të akuzuarit. Rrethana posaçërisht rënduese gjykata nuk gjeti.

Andaj, duke vlerësuar këto rrethana, Gjkata në kuptim të nenit 42 të KPRK-së të akuzuarin e gjykoi si në dispozitiv të këtij aktgjykimit, me të cilin do të arrihet edhe qëllimi i dënimit.

Gjkata ka ardhur në përfundim se dënimi i shqiptuar të akuzuarit është në përputhje me shkallen e përgjegjësisë penale të tij dhe me intensitetin e rrezikimit të vlerave të mbrojtura të shoqërisë. Gjkata gjithashtu është e bindur se vendimi mbi dënim do të shërbejë për arritjen e qëllimit të dënimit në pengimin e të pandehurit në kryerjen e veprave penale në të ardhmen veçanërisht llojin e njëjtit të veprës penale, por ai do të ndikoj edhe si preventive e përgjithshme për personat tjerë që të përmbahen nga kryerja e veprave penale në përputhje me nenin 38 të KPRK-së.

Duke u bazuar në nenin 449 par. 2 pika 2.6 dhe 452 par.1 të KPRK-së si dhe në bazë të nenit 36 par.3 nën par. 3.1 të Ligjit për kompensimin e viktimave të krimit nr.08/L-109, Gjkata ka vendosur për shpenzimet e procedurës penale në shumën e përgjithshme prej 40 Euro.

Gjkata në kuptim të nenit 462 par. 2 të KPRK-së, palën e dëmtuar e udhëzoi në kontest civil për realizimin e kërkesës së saj pasurore juridike.

Nga arsyet e cekura më lartë dhe me zbatimin e nenit 361 të KPRK-së është vendosur si në dispozitiv të këtij aktgjykimi.

GJYKATA THEMELORE NË PRISHTINË-DEGA FUSHË KOSOVË,  
DEPARTAMENTI I PËRGJITHSHËM PENAL  
P.nr.94/20 më datë 28.09.2023

**Bashkëpunëtori Profesional**

**Gjyqtarja e vetme Gjyquese**

**Albrim Kastrati**

**Laura Hoti Statovci**

**KËSHILLA JURIDIKE:** Kundër këtij aktgjykimi palët kanë të drejtë të parashtrijnë ankesë në afat prej 30 ditësh, nga dita e pranimit të të njëjtit. Ankesa i dërgohet Gjykatës së Apelit në Prishtinë përmes kësaj Gjykate.